

ერთის მხრივ, სს „საქართველოს ნავთობისა და გაზის კორპორაცია“ (შემდგომში - „შემსყიდველი“), წარმოდგენილი დირექტორის ფინანსურ საკითხებში ომარ ოგბაიძის სახით, და

მეორეს მხრივ, შპს „ჯი-თი მოტორს“ (შემდეგ - „მიმწოდებელი“), წარმოდგენილი დირექტორის თემურ უსტიაშვილის სახით,

„სახელმწიფო შესყიდვების შესახებ“ საქართველოს კანონის მე-10¹ მუხლის მესამე პუნქტის „თ“ ქვეპუნქტისა და საქართველოს მთავრობის 2011 წლის 21 იანვრის №26 დადგენილების საფუძველზე, ვდებთ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანია, დანართი №1-ით გათვალისწინებული შემსყიდველის ბალანსზე არსებული ავტომანქანების მიმდინარე ტექნიკური მომსახურების ან/და ასეთი მომსახურებისათვის საჭირო სათადარიგო ნაწილების სახელმწიფო შესყიდვა (CPV 50112200; შემდგომში - „მომსახურება“) ხელშეკრულების პირობების შესაბამისად.

1.2. მომსახურება განხორციელდება დანართი №1-ით (აღნიშნული დანართით გათვალისწინებულ ავტომანქანებზე 100 000-ზე მეტი გარბენის (კმ) გადაცდენის შემთხვევაში) გათვალისწინებულ ავტომანქანებზე, წინამდებარე ხელშეკრულებით, დანართი №2-ის (პრეისკურანტი) საფუძველზე. აღნიშნული დანართები თან ერთვის ხელშეკრულებას და წარმოადგენენ მის განუყოფელ ნაწილს.

2. მომსახურების გაწევის წესი

2.1. მომსახურება უნდა განხორციელდეს ხელშეკრულების გაფორმებიდან 2019 წლის 31 დეკემბრის ჩათვლით, ეტაპობრივად, მხარეთა მიერ ყოველი კონკრეტული შემთხვევისათვის შედგენილი და შეთანხმებული შესაბამისი დეფექტური აქტის ან შეკვეთის საფუძველზე, რომელშიც აღინიშნება გამოსაცვლელი სათადარიგო ნაწილების, შესასრულებელი სამუშაოს შემადგენლობა, მოცულობა და შესრულების ვადები.

2.2. მომსახურების გაწევის ადგილია მიმწოდებლის სერვისცენტრი მდებარე მისამართზე: ქ.თბილისი, დაღმაშენებლის ხეივანი მე-12კმ; ქ.ბათუმი, სულხან-საბა ორბელიანის №7; მიმწოდებელი უფლებამოსილია, დაზიანების ხასიათიდან გამომდინარე მოითხოვოს ავტომობილის კონკრეტულად თბილისის სერვისცენტრში მიყვანა;

2.3. გაწეულ მომსახურებაზე, ყოველ კონკრეტულ შემთხვევაში, მხარეები ადგენენ მიღება-ჩაბარების აქტს, რომელშიც მითითებული უნდა იყოს ამ მომსახურების დეტალური აღწერა, გასაწევი მომსახურების, გამოყენებული სათადარიგო ნაწილების რაოდენობა და/ან მოცულობა, ფასი და საერთო ღირებულება, რომელიც განისაზღვრება წინამდებარე ხელშეკრულებით გათვალისწინებული პირობებით (ან ერთვოდეს დეფექტური აქტი). მიღება-ჩაბარების აქტს თან უნდა დაერთოს მიმწოდებლის მიერ გამოწერილი საგადასახადო ანგარიშ-ფაქტურა.

2.4. შემსყიდველი უფლებამოსილია უარი განაცხადოს 5 სამუშაო დღეზე მეტი დაგვიანებით ან/და უხარისხო მომსახურების მიღებაზე, ან/და შემსყიდველის ინსპექტირების ჯგუფის მიერ დაწუნებული იმ მომსახურების მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

3. მხარეთა უფლება-მოვალეობები

3.1. მიმწოდებელი იღებს ვალდებულებას:

3.1.1. გაუწიოს შემსყიდველს ხარისხიანი და დროული მომსახურება ეტაპობრივად, შემსყიდველის მოთხოვნის შესაბამისად;

3.1.2. შემსყიდველის მიმართვიდან არაუგვიანეს 2(ორი) სამუშაო დღის ვადაში ჩაატაროს ავტომანქანის დათვალიერება და წარუდგინოს შემსყიდველს დეფექტური აქტი ხელმოსაწერად;

3.1.3. უზრუნველყოს დეფექტურ აქტში მითითებული სამუშაოების შესრულება ხელშეკრულებასა და დეფექტურ აქტში გათვალისწინებული პირობების შესაბამისად, არაუგვიანეს დეფექტური აქტის გაფორმებიდან არაუგვიანეს 2 (ორი) სამუშაო დღის ვადაში. ხოლო იმ შემთხვევაში, თუ აღნიშნულ ვადაში შესაბამისი სათადარიგო ნაწილის არ ქონის, ან ტექნიკური სირთულის გამო ვერ ხერხდება მომსახურების დასრულება, მომსახურება დასრულებული უნდა იქნას მხარეთა მიერ შეთანხმებულ, გონივრულ ვადაში (მაგრამ არაუმეტეს 45(ორმოცდახუთი კალენდარული დღისა).

3.2. შემსყიდველი იღებს ვალდებულებას:

3.2.1. გადაუხადოს მიმწოდებელს გაწეული მომსახურების საფასური, შესაბამისი მიღება-ჩაბარების აქტის და საგადასახადო ანგარიშ-ფაქტურის საფუძველზე.

4. ხელშეკრულების ღირებულება და ანგარიშსწორება

4.1. ხელშეკრულების სავარაუდო მაქსიმალური ჯამური ღირებულება შეადგენს 5 000.00 (ხუთი ათასი) ლარს დღგ-ს ჩათვლით.

4.2. ხელშეკრულების ღირებულება განისაზღვრება ფაქტიურად შესრულებული მომსახურების მიხედვით, მხარეთა შორის შეთანხმებული პრეისკურანტის საფუძველზე, რომელიც დანართი №2-ის სახით თან ერთვის წინამდებარე ხელშეკრულებას და წარმოადგენს მის განუყოფელ ნაწილს. დანართ №2-ში მითითებული ფასები შეიცავს მიმწოდებლის ყველა ხარჯს, დაკავშირებულს მომსახურების შემსყიდველისათვის მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს ჩათვლით.

4.3. თუ გასაწევი მომსახურების ან რომელიმე სათადარიგო ნაწილის ფასი (მისი შესყიდვის აუცილებლობისას) არ არის გათვალისწინებული დანართ №2-ში (პრეისკურანტი), მაშინ მხარეები, მომსახურების დაწყებამდე, ურთიერთშეთანხმებულ ადნიშნული მომსახურების გაწევის შესაძლებლობას და ფასს მიმწოდებლის სერვისში იმ დროისათვის არსებული ფასების ან/და სათადარიგო ნაწილის ფასს შესაბამისი დეტალის მწარმოებელი კომპანიის ბაზარზე არსებული საბაზრო ფასის გათვალისწინებით. ასეთ შემთხვევაში პრეისკურანტში ავტომატურად განისაზღვრება ან/და სათადარიგო ნაწილის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის ჯამური ღირებულების 10%-ს. პრეისკურანტის ჯამური ღირებულება შეადგენს 1631.30 (ერთი ათას ექვსას ოცდათერთმეტი ლარი და 30 თეთრი) ლარს დღგ-ს ჩათვლით.

4.4. მომსახურების დასრულებისთანავე მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეები ან მხარეთა მიერ წარმოდგენილი უფლებამოსილი პირები.

4.5. ანგარიშსწორების განსახორციელებლად საჭირო დოკუმენტებია:

ა) საგადასახადო ანგარიშ-ფაქტურა;

ბ) მიღება-ჩაბარების აქტი (ორმხრივად ხელმოწერილი).

4.6. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ფაქტიურად გაწეული მომსახურების შესაბამისად, ხელშეკრულების 4.5. პუნქტით განსაზღვრული დოკუმენტების წარმოდგენიდან არაუგვიანეს 15 სამუშაო დღის ვადაში.

4.7. შემსყიდველის მიერ მოთხოვნის წარუდგენლობის შემთხვევაში, მომსახურების გაწევის და მისი მიღების, ასევე ანგარიშსწორების უფლება-მოვალეობები არ წარმოიქმნება.

5. ხარისხი და გარანტია

5.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს ამ სფეროში არსებულ სტანდარტებს და ტექნიკურ ნორმებს.

5.2. თუ გაწეული მომსახურება ნაკლიანია, რომელიც გამორიცხავს ავტომატურად უსაფრთხო ექსპლუატაციას, მიმწოდებელი ვალდებულია, შემსყიდველის შეტყობინების მიღებიდან გონივრულ ვადაში, საკუთარი ხარჯით გამოასწოროს ნაკლი/დეფექტი (ამ ხელშეკრულების მე-3 და მე-5 მუხლებით განსაზღვრული პირობების გათვალისწინებით).

5.3. მომსახურების გაწევის დროს, მიღება-ჩაბარების აქტის ხელმოწერამდე, ყველა რისკი ავტომატურად მიყენებულ ზიანზე ეკისრება მიმწოდებელს (გარდა ფორს-მაჟორული მიზეზებით გამოწვეული ზიანებისა).

5.4. მომსახურების გაწევის შემდეგ მიმწოდებელი ვალდებულია დაუყოვნებლივ გადასცეს შემსყიდველს ტექნიკურად გამართული ავტომატური (იგულისხმება იმ მომსახურების მიწოდება რასაც ითვალისწინებს დანართი #2).

6. მხარეთა პასუხისმგებლობა

6.1. შემსყიდველი უფლებამოსილია, მომსახურების არაჯეროვნად შესრულების და/ან ხელშეკრულებაში მითითებული ვადების გადაცილების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ კალენდარულ დღეზე ხელშეკრულების სავარაუდო მაქსიმალური ჯამური ღირებულების 0,1%-ის ოდენობით.

6.2. გადახდის ვადის გადაცილების შემთხვევაში, მიმწოდებელი უფლებამოსილია, დააკისროს შემსყიდველს პირგასამტეხლო ყოველ ვადაგადაცილებულ სამუშაო დღეზე, გადაუხდეელი თანხის 0,1%-ის ოდენობით.

6.3. მხარის მიერ ხელშეკრულების პირობების სრული ან ნაწილობრივი დარღვევის ან/და შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც ფორმდება შეტყობინების სახით), ხოლო შეტყობინებაში მითითებული ვადის გასვლის შემდეგ, მოითხოვოს ზიანის ანაზღაურება და ხელშეკრულებიდან გასვლა.

6.4. მიმწოდებლის მიერ ხელშეკრულების მისი ბრალეულობით ცალმხრივად შეწყვეტის/მომსახურების გაწევაზე უარის თქმის შემთხვევაში, მიმწოდებელს დაეკისრება პირგასამტეხლო იმ მომენტისათვის დარჩენილი ხელშეკრულების სავარაუდო მაქსიმალური ჯამური ღირებულების 5%-ის ოდენობით. გარდა იმ შემთხვევებისა, როდესაც მიმწოდებელი ხელშეკრულებას შეწყვეტს ხელშეკრულების მე-10 მუხლის მე-3 პუნქტის საფუძველზე.

6.5. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. ზიანის ანაზღაურებასთან დაკავშირებით გამოიყენება საქართველოს სამოქალაქო კანონმდებლობა.

6.7. მიმწოდებლის მიერ ჯარიმისა და პირგასამტეხლოს გადახდა, გარდა საქართველოს სამოქალაქო კოდექსით გათვალისწინებული შემთხვევებისა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.8. მხარეების მიერ ხელშეკრულების პირობების შეუსრულებლობა ან/და დარღვევა გამოიწვევს მათ პასუხისმგებლობას საქართველოს მოქმედი კანონმდებლობით დადგენილი წესით.

7. ფორს-მაჟორი

7.1. მხარეები თავისუფლდებიან ვალდებულებების შესრულებისაგან ისეთი გადაულახავი ფორს-მაჟორული გარემოებების დადგომისას, როგორც არის ომი, ხანძარი, სტიქიური უბედურებები, სახელმწიფო ხელისუფლების გადატრიალება, სახელმწიფო ორგანოს მიერ გამოცემული აქტი და სხვა პირობები, რომლებიც აფერხებენ და შეუძლებელს ხდიან მხარეების მიერ ამ ხელშეკრულებით გათვალისწინებული უფლება-მოვალეობების განხორციელებას.

7.2. მხარეები ვალდებული არიან წერილობით აცნობონ ერთმანეთს ფორს-მაჟორული გარემოებების არსებობის შესახებ მათი დადგომიდან 24 საათის განმავლობაში.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს ან მის მიერ წარმოდგენილ უფლებამოსილ პირს უფლება აქვს განახორციელოს გაწეული მომსახურების კონტროლი.

8.2. მიმწოდებლის მიერ სახელმწიფო შესყიდვის შესახებ ხელშეკრულების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. მომსახურების მოცულობის, ხარისხისა და მიწოდების ვადების წინადაბარე ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება და შემსყიდველის მიერ უფლებამოსილების მინიჭების შემთხვევაში მიღება-ჩაბარების აქტებზე ხელის მოწერა;

8.3.2. მიღება-ჩაბარების აქტის გაფორმებამდე შეამოწმოს, სრულად არის თუ არა გაწეული ხელშეკრულებით გათვალისწინებული მომსახურება და უარი თქვას დაგვიანებით ან არასრულად გაწეული მომსახურების მიღებაზე და შესაბამის ანაზღაურებაზე.

8.3.3. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

8.3.4. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

8.4. მიმწოდებელი ვალდებულია, საკუთარი რესურსით უზრუნველყოს ინსპექტირების ჯგუფი მხოლოდ მიმწოდებლის სერვისში შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

9. ხელშეკრულების პირობების გადასინჯვა

9.1. ხელშეკრულების პირობების გადასინჯვასთან დაკავშირებული ურთიერთობები რეგულირდება საქართველოს მოქმედი კანონმდებლობით.

9.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველისთვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაშია მხარეების მიერ მისი ხელმოწერის დღიდან და მოქმედებს 2020 წლის 31 იანვრის ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

10.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარისათვის წერილობითი შეტყობინების საფუძველზე თუ:

ა) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს.

ბ) წინამდებარე ხელშეკრულების მე-9 მუხლით გათვალისწინებული შემთხვევების დადგომისას, არსებითად იცვლება ხელშეკრულების პირობები.

10.4 შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე, მიმწოდებლისათვის არანაკლებ 2 (ორი) კვირით ადრე წინასწარი წერილობითი შეტყობინების გაგზავნის საფუძველზე

11. სხვა პირობები

11.1. მხარეთა შორის სადაო საკითხები წყდება მხარეთა მოლაპარაკების გზით. მხარეთა შორის შეთანხმების მიუღწევლობის შემთხვევაში, დავა წყდება საქართველოს კანონმდებლობით გათვალისწინებული წესით.

11.2. წინამდებარე ხელშეკრულების ნებისმიერი მუხლის, პუნქტის ან/და დებულების ბათილად ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე;

11.3. ხელშეკრულებაში დამატებების/დანართების/ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.

12. მხარეთა რეკვიზიტები და იურიდიული მისამართები:

<p>„შემსყიდველი“ სს „საქართველოს ნავთობისა და გაზის კორპორაცია“ მის: ქ. თბილისი, კახეთის გზატკეცილი №21 ტელ/ფაქსი: 224-40-40 / 224-40-41 ს/კ: 206237491 სს „თიბისი ბანკი“ ბ/კ: TBCBGE22 ა/ა GE71TB7895736030100001</p> <p>დირექტორი ფინანსურ საკითხებში</p>  <p>ო. ოგბაიძე</p>	<p>„მიმწოდებელი“ შპს „ჯი-თი მოტორს“ მის: ქ. თბილისი, დ. აღმაშენებლის ხეივანი №155 ტელ: 259-50-00, 595 900935 ს/კ: 206276340 სს „საქართველოს ბანკი“ ბ/კ: BAGAGE22 ა/ა GE89BG0000000247624300</p> <p>დირექტორი</p> <p>თ. უსტიაშვილი</p>
--	---

6. ნათიძე ი. ბიხვიძე მ. ...

დანართი №1 - შემსყიდველის ბალანსზე არსებული ავტომანქანების ჩამონათვალი

(აღნიშნული დანართით გათვალისწინებულ ავტომანქანებზე 100 000-ზე მეტი გარბენის (კმ) გადაცდენის შემთხვევაში)

№	ავტოტრანსპორტის მარკა, მოდელი	სახელმწიფო ნომერი
1	ფორდ რეინჯერი	BU163BB
2	ფორდ რეინჯერი	BU164BB
3	ფორდ რეინჯერი	BU168BB
4	ფორდ რეინჯერი	BU169BB
5	ფორდ რეინჯერი	OB260OO
6	ფორდ რეინჯერი	OB261OO
7	ფორდ რეინჯერი	OB262OO
8	ფორდ რეინჯერი	OB263OO
9	ფორდ რეინჯერი	OB264OO
10	ფორდ რეინჯერი	OB265OO

დანართი №2 - პრეისკურანტი

#	მომსახურების და სათადარიგო ნაწილების ჩამონათვალი	განზომილება	სათადარიგო ნაწილების ღირებულება (ლარი, დღგ-ს ჩათვლით)	სათადარიგო ნაწილების მომსახურების ღირებულება (ლარი, დღგ-ს ჩათვლით)
1	ჰაერის ფილტრი	6	173.40	8.00
2	წინა სამუხრუჭე ხუნდი	კომპლექტი	647.50	28.00
3	უკანა სამუხრუჭე ხუნდი	კომპლექტი	642.60	40.00
4	კონდიციონერის ფილტრი	6	79.80	12
			1543.30	88.00
სულ ჯამი დღგ-ს ჩათვლით:			1631.30	